

# PWYLLGOR SAFONAU

## Cofnodion y cyfarfod a gynhaliwyd ar 11 Rhagfyr, 2012

### YN BRESENNOL:

#### Aelodau Annibynnol

Mr. Michael Wilson (Cadeirydd)  
Mr. Islwyn Jones (Is-Gadeirydd)

Ms. Denise Harris Edwards  
Mr. Leslie Lord,  
Mrs. Dilys Shaw

#### Yn cynrychioli'r Cynghorau Tref a Chymuned

Y Cynghorydd Raymond Evans  
Y Cynghorydd John Roberts

### WRTH LAW:

Pennaeth Swyddogaeth (Cyfreithiol a Gweinyddiaeth/Swyddog Monitro),  
Cyfreithiwr i'r Swyddog Monitro (RMJ)(yn bresennol o eitem 5 ymlaen)  
Swyddog Gofal Cwsmer (BJ)(ar gyfer eitemau 5(a)(b) a 6),  
Uwch Swyddog Datblygu (MW)(ar gyfer eitemau 8(a)(b)),  
Rheolwr Gwasanaethau Pwyllgor (yn bresennol ar gyfer eitemau 1 i 4).  
Swyddog Pwyllgor (MEH)(yn bresennol o eitem 5 ymlaen)>

### YMDDIHEURIADAU:

Y Cynghorwyr T.Ll. Hughes, Ieuan Williams

### HEFYD YN BRESENNOL: Dim

---

Dywedodd y Cadeirydd y byddai Mr. Meirion Jones, y Cyfreithiwr i'r Swyddog Monitro, yn ymddeol ddiwedd y mis hwn. Roedd Aelodau'r Pwyllgor Safonau yn dymuno diolch i Mr. Jones am ei waith i'r Pwyllgor Safonau dros y blynyddoedd. Dymunwyd yn dda i Mr. Jones am ymddeoliad iach a hapus.

### 1. DATGANIAD O DDIDDORDEB

Gwnaeth y Cynghorydd John Roberts ddatganiad o ddiddordeb yn eitem 4 a gadawodd y cyfarfod yn ystod y drafodaeth arni

### 2. COFNODION

Cadarnhawyd cofnodion y cyfarfodydd isod :-

- Cofnodion y cyfarfod a gynhaliwyd ar 31 Hydref 2012
- Cofnodion y Gwrandawriad Caniatâd Arbennig a gynhaliwyd ar 31 Hydref 2012, yn amodol ar gywiro'r camgymeriad sillafu sef y gair 'speak' yn y fersiwn Saesneg dan eitem 3, trydydd paragraff.

### 3. CAU ALLAN Y WASG Y WASG A'R CYHOEDD

**PENDERFYNWYD** mabwysiadu'r canlynol:-

**"Dan Adran 100 (A)(4) Ddeddf Llywodraeth Leol 1972, gyrrwyd y wasg a'r cyhoedd allan o'r cyfarfod yn ystod y drafodaeth ar yr eitem a ganlyn, oherwydd y tebygrwydd y câi gwybodaeth ei rhyddhau a honno'n wybodaeth y gwna Atodlen 12A y Ddeddf eithriad ohoni fel y diffinnir y wybodaeth yn y Ddeddf ac yn y Prawf Budd y Cyhoedd sydd ynghlwm".**

#### **4. CWYN YN ERBYN CYNGHORYDD CYMUNED**

Cyflwynwyd - adroddiad gan y Swyddog Monitro ynglŷn â'r uchod.

Dywedodd y Swyddog Monitro bod Ombwdsmon Gwasanaethau Cyhoeddus Cymru wedi ymchwilio i gŵyn y gall Cynghorydd Cymuned fod wedi methu glynu wrth y Côd Ymddygiad ar gyfer Aelodau. O ganlyniad i'w ymchwiliad, canfu'r Ombwdsmon fethiant ar ran Cynghorydd i gydymffurfio gyda'i Gôd Ymddygiad a rhaid i'r Pwyllgor Safonau o'r herwydd wneud penderfyniad yn unol â pharagraff 2.1.b.

**PENDERFYNWYD** derbyn yr adroddiad.

**GWEITHREDU:** Trefnir gwrandawriad lleol lle bydd y Cynghorydd Cymuned yn cael cyfle i wneud sylwadau ynglŷn â chanfyddiadau'r ymchwiliad a'r honiadau iddo fethu cydymffurfio gyda'i Gôd Ymddygiad.

Dychwelodd y cyfarfod i sesiwn gyhoeddus.

#### **5. CWYNIION YNGHYLCH YMDDYGIAD I OMBWDSMON GWASANAETHAU CYHOEDDUS CYMRU**

5.1 Cyflwynwyd er gwybodaeth - adroddiad gan y Swyddog Gofal Cwsmer ar ffurf matrices wedi ei ddiweddarau ar gyfer Cynghorwyr Sir. Dywedwyd nad oedd unrhyw achosion 'byw' ar hyn o bryd.

**PENDERFYNWYD** nodi'r adroddiad er gwybodaeth.

**GWEITHREDU:** Diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau ar 13 Mawrth 2013.

5.2 Cyflwynwyd, er gwybodaeth – adroddiad gan y Swyddog Gofal Cwsmer ar ffurf matrices wedi ei ddiweddarau ar gyfer Cynghorau Tref a Chymuned.

**PENDERFYNWYD** nodi'r adroddiad er gwybodaeth.

**GWEITHREDU:** Diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau ar 13 Mawrth 2013.

#### **6. PENDERFYNIADAU'R PANEL DYFARNU**

Cyflwynwyd a nodwyd - adroddiad gan y Swyddog Gofal Cwsmer ynglŷn â'r uchod.

**PENDERFYNWYD** nodi'r adroddiad.

**GWEITHREDU:** Diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau ar 13 Mawrth 2013.

#### **7. PENDERFYNIAD Y PANEL DYFARNU MEWN PERTHYNAS AG APÊL Y CYNGHORYDD HEFIN THOMAS**

Rhoes Cadeirydd y Pwyllgor Safonau adroddiad llafar ar ei feddyliau ynghylch penderfyniad y Panel Dyfarnu a'i gyfarfod arfaethedig gydag Arweinwyr y Grwpiau.

**PENDERFYNWYD** nodi'r adroddiad.

**GWEITHREDU:** Trefnu cyfarfod gyda Chadeirydd y Pwyllgor Safonau ac Arweinwyr y Grwpiau i drafod canfyddiadau'r Panel Dyfarnu.

## **8. (A) STATWS Y CYNLLUN DATBLYGU AELODAU**

### **(B) CYFLWYNO ADOLYGIADAU DATBLYGIAD PERSONOL AR GYFER AELODAU**

Cyflwynwyd - adroddiad o ddiweddariad gan yr Uwch Swyddog Datblygu ar faterion yn codi o'r Cynllun Datblygu Aelodau a'r Gweithgor Datblygu Aelodau ynghyd ag Adolygiadau Datblygiad Personol ar gyfer Aelodau.

Mynegwyd pryderon ynghylch diffyg presenoldeb Aelodau mewn Sesiynau Hyfforddi a'r angen i roi sylw i'r mater hwn. Awgrymwyd y dylai Cadeirydd y Pwyllgor Safonau gael cyfarfod gyda Chadeirydd y Pwyllgor Gwasanaethau Democraidd a chyfarfod wedi hynny yn anffurfiol gydag Arweinydd y Grwpiau.

Codwyd cwestiynau ynglŷn ag hyfforddiant i Aelodau'r Pwyllgor Archwilio ac i weld a fedrai'r hyfforddiant fod yn orfodol. Dywedodd y Swyddog Monitro y byddai'n gwneud ymholiadau ac yn adrodd yn ôl i'r Pwyllgorau Safonau.

**PENDERFYNWYD nodi'r adroddiad.**

**GWEITHREDU: Gwneud trefniadau i Gadeirydd y Pwyllgor Safonau gyfarfod gyda Chadeirydd y Pwyllgor Gwasanaethau Democraidd i drafod materion a godwyd o ran diffyg presenoldeb Aelodau mewn Sesiynau Hyfforddi.**

## **9. FFORWM PWYLLGORAU SAFONAU GOGLEDD CYMRU**

Cyflwynwyd - rhaglen ddrafft ar gyfer y Gynhadledd Genedlaethol a gynhelir yn Venue Cymru, Llandudno ar 19 Ebrill 2013.

Dywedodd y Cadeirydd - yn dilyn yr adroddiad beirniadol ar Lywodraethu Corfforaethol a gafwyd yn 2009 mewn perthynas â Chyngor Sir Ynys Môn ac awgrymiadau yn yr adroddiad hwnnw y dylai'r Pwyllgor Safonau fod yn rhagweithiol, awgrymodd y dylai cynrychiolydd o Swyddfa Archwilio Cymru neu'r Adran Llywodraeth Leol a Chymunedau gael gwahoddiad i'r Fforwm i egluro'r hyn y maent yn ei ddisgwyl gan Awdurdodau Lleol o ran gweithgareddau Pwyllgorau Safonau.

**PENDERFYNWYD rhoddi eitem ar Raglen y Fforwm i wahodd cynrychiolydd o Swyddfa Archwilio Cymru neu'r Adran ar gyfer Llywodraeth Leol a Chymunedau i egluro'r hyn y maent yn ei ddisgwyl gan Awdurdodau Lleol o ran gweithgareddau Pwyllgorau Safonau.**

**GWEITHREDU:**

**(1) Rhoddi eitem ar Raglen y Fforwm fel a nodir uchod.**

**(2) Trafod enwebiadau i fynychu Fforwm Pwyllgorau Safonau Gogledd Cymru ar 19 Ebrill 2013 yn y Pwyllgor Safonau nesaf a gynhelir ar 13 Mawrth 2013.**

## **10. NEWIDIADAU ARFAETHEDIG I'R CYFANSODDIAD**

### **(A) PROTOCOL AR GYFER AELODAU A SWYDDOGION A WARDIAU AMLAELOD**

Cyflwynwyd - adroddiad gan y Panel o 3 Aelod gyda chynnig ynglŷn â'r 'Berthynas rhwng Aelodau a Swyddogion': Wardiau AmlAelod', a gynhwysir yn Adran 5.3.6 y Protocol Perthynas ar gyfer Aelodau a Swyddogion.

Cafodd copi o'r drafft newydd o'r Protocol Perthynas ar gyfer Aelodau a Swyddogion ei gylchredeg yn y cyfarfod ac roedd yn cynnwys:-

*Ychwanegiad i 5.3.17 i ddilyn o'r geiriau sydd eisoes yno fel bod 17.5 llawn yn darllen fel a ganlyn:-*

*'Os bydd Swyddog yn torri'r Protocol hwn mewn modd difrifol, gall hynny arwain at ymchwiliad dan drefn disgyblu'r Cyngor sydd ar gael ar wefan y Cyngor. Oni fedrir datrys y mater yn y modd a ddisgrifir yn 17.3 a 17.4 uchod gyda'r Swyddog dan sylw neu gyda Rheolwr y Swyddog neu'r*

*Pennaeth Gwasanaeth priodol ac os yw'r Aelod yn dymuno parhau i wneud cwyn yn erbyn unrhyw Aelod, yna byddai unrhyw gwyn yn cael ei gwrthod oni bai ei bod ar bapur, wedi ei llofnodi a chyda thystiolaeth i'w chefnogi. Byddai disgwyl i unrhyw Aelod sydd hefyd yn Aelod o Grŵp fod wedi cael cymeradwyo'r gwyn ar bapur gan eu Harweinydd Grŵp.*

Roedd yr Is-Gadeirydd yn pryderu rhywfaint ynghylch geiriad y Protocol uchod a chytunodd Aelodau'r Pwyllgor y dylai gael cyfarfod gyda Swyddogion i gael geiriad priodol yn hyn o beth.

**PENDERFYNWYD** nodi'r adroddiad a rhoddi'r Awdurdod i'r Is-Gadeirydd gyfarfod gyda Swyddogion perthnasol i benderfynu ar eiriad priodol mewn perthynas â 17.5 uchod.

**GWEITHREDU:** Fel a nodwyd yn y penderfyniad ac i adrodd yn ôl i'r Pwyllgor Safonau yn y cyfarfod a gynhelir ar 13 Mawrth 2013.

#### **11. RHEOLAU GWEITHDREFN MATERION CYNLLUNIO (RHAN 4.6 Y CYFANSODDIAD), GWNEUD NEWIDIADAU YN RHAI PARHAOL**

Cyflwynwyd er gwybodaeth - adroddiad i'r Pwyllgor Gwaith a'r Cyngor llawn gan y Pennaeth Gwasanaeth (Cynllunio a Gwarchod y Cyhoedd) a'r Rheolwr Gwasanaethau Cyfreithiol ynghylch gwneud newidiadau i Adran 4.6 y Cyfansoddiad sef Rheolau Gweithdrefn Cynllunio yn rhai parhaol yn dilyn cyfnod arbrofol o 12 mis. Roedd copi o benderfyniad y Pwyllgor Gwaith a gynhaliwyd ar 3 Rhagfyr 2012 a phenderfyniad y Cyngor llawn a gynhaliwyd ar 6 Rhagfyr 2012 ynghlwm er gwybodaeth i'r Pwyllgor Safonau a nodwyd y byddai cyfnod arbrofol pellach o 12 mis yn cychwyn.

**PENDERFYNWYD** nodi'r adroddiad.

**GWEITHREDU:** Dim.

**MR. MICHAEL WILSON  
CADEIRYDD**